



CORONAVIRUS

NOTA INFORMATIVA SOBRE RECOMENDACIÓNS DA CONSELLERÍA DE SANIDADE PARA O SECTOR DE CONTROL DE LEGIONELLA E A OS TITULARES DE ESTABLECEMENTOS DURANTE A SITUACIÓN DE ALERTA POLO COVID-19

Ante a situación de alerta sanitaria decretada polo Goberno de España, o Ministerio de Sanidade, publicou unha nota informativa na que comunica que as tarefas das empresas e servizos a terceiros de prevención e control de Legionella limitaranse ás esenciais para que toda instalación que siga en funcionamento, durante este período, cumpra a normativa.

Considéranse tarefas esenciais a reparación de avarías o a realización do mantemento de instalacións. Non se consideraran tarefas esenciais, as de carácter accesorio, voluntario o cuxa falta de realización ou aprazamento non poña en risco o acceso a bens básicos, a vida das persoas ou que provoquen danos de imposible ou difícil reparación, como a apertura de novas instalacións ou a revisión voluntaria de equipos e instalacións cando dita revisión poida aprazarse no tempo sen risco para as persoas, os bens ou a produción.

Ante estas directrices, compre matizar e facer unhas recomendacións sobre as actuacións neste tipo de establecementos, se ben son moitos os establecementos de uso público que teñen que estar pechados e sen actividade (centros escolares, deportivos, balnearios, hoteis, fábricas, etc).

Pola contra, outros establecementos no só están abertos senón que teñen que ter un especial coidado das súas instalacións, ante unha demanda mais elevada e posto que atenden a persoas especialmente vulnerables as infeccións, polo que teñen que evitar que un mal mantemento das instalacións poda convertelas nun foco de infección de lexionelose, sumando agravantes a pandemia do coronavirus. Entre estes establecementos, atópanse os servizos socio sanitarios, hospitais, residencias de maiores e similares.

Tamén hai que prever, que algúns dos establecementos pechados poden ser usados para o realoxo de pacientes ante a presión asistencial.

Por todo isto, emítense estas recomendacións con relación aos programas de mantemento hixiénico-sanitario no control e a prevención da lexionelose.



CORONAVIRUS

É necesario lembrar que todas estas actuacións deberán facerse cumprindo as medidas de hixiene persoal e colectiva e de distanciamento social recomendado polas autoridades sanitarias, así como de organización do traballo e de prevención de riscos laborais determinadas polos servizos de prevención das empresas do sector de tratamento das instalacións que poden supor un foco de propagación da legionella.

Fanse recomendacións para establecementos que manteñen as súas instalacións pechadas durante o período de alerta sanitaria, xa sexa cos circuitos ou acumuladores baleiros ou en funcionamento; para os establecementos que se manteñen abertos durante a alerta e por último para establecementos de especial risco como poden ser os hoteis medicalizados, instalacións adaptadas para acoller a pacientes ou residencias de maiores.

1. Establecementos con instalacións de AQS pechados durante a alerta sanitaria

1.1. Instalacións nas que se poden baleirar os circuitos e os acumuladores:

- ⑩ Deberase asegurar que o baleirado sexa completo
- ⑩ Antes da reapertura deberase realizar unha limpeza e desinfección conforme ao procedemento de hipercloración establecido no Anexo 3 B do Real Decreto 865/2003, do 4 de xullo. No caso de redes de AQS sen retorno realizarase unha desinfección térmica.
- ⑩ Pasados 15 días da súa realización, recolleranse mostras para a determinación de Legionella de puntos representativos da instalación de AQS, incluídos os retornos.
- ⑩ Unha vez abertas as instalacións ao público volveranse ás operacións de mantemento hixiénico-sanitarias establecidas na lexislación vixente de prevención da legionelose.

1.2. Instalacións con circuitos en funcionamento:

O mantemento basearase en:

- ⑩ Manter as temperaturas de 50°C nos puntos terminais e de 60°C nos acumuladores.
- ⑩ Realización de purgas semanais en puntos terminais, válvulas de drenaxe, acumuladores e retorno, co fin de evitar o acumulo de sedimentos e limpar o sistema.
- ⑩ Realizar analíticas de control.



CORONAVIRUS

- ⑩ De non poder asegurar o cumprimento destes requisitos durante o período de peche do establecemento, antes de proceder a reapertura deberase realizar unha limpeza e desinfección conforme ao procedemento establecido no Anexo 3 B do Real Decreto 865/2003, do 4 de xullo. No caso de redes de AQS sen retorno realizarase unha desinfección térmica.
- ⑩ Todas estas actuacións deben quedar rexistradas.

2. Establecementos con instalacións de AQS abertos durante a alerta sanitaria

Deben extremar as precaucións para manter a instalación dentro dos criterios establecidos no seu plan de prevención e control da lexielose (PPCL), neste caso o mantemento basearase en:

- ⑩ Mantemento das temperaturas.
- ⑩ Comprobar e manter o nivel de biocida.
- ⑩ Aumentar as purgas de puntos terminais, válvulas de drenaxe, retorno e acumuladores.
- ⑩ Comprobacións analíticas con maior frecuencia
- ⑩ Mantemento das instalacións segundo o programado.
- ⑩ Realizar as actuacións previstas no seu PPCL en caso de incumprimentos.

3. Establecementos con Torres de refrixeración e Condensadores evaporativos

Non se consideran medidas de control adicional para estes establecementos que as recollidas no seu PPCL.

Para as torres que estiveran en funcionamento, e en caso de parada, antes de reiniciar a actividade realizarase a limpeza e desinfección prevista no Anexo 4 do Real Decreto 865/2003, de 4 de xullo, sobre prevención e control da lexielose.

4. Establecementos de especial risco



CORONAVIRUS

Os establecementos que aloxan a casos ou sospeitosos de coronavirus como poden ser os hoteis medicalizados, instalacións adaptadas para acoller a pacientes ou residencias de maiores, deben ser considerados de especial risco dentro do programa de vixilancia da lexiionelose xa que a poboación exposta é especialmente sensible as infección causadas pola lexiionella.

4.1. Informe sanitario

No proceso de adaptación dos establecementos de carácter temporal a autoridade sanitaria colaborará coa emisión dun informe sobre a idoneidade das instalacións de AQS así como do PPCL.

Co obxecto de minimizar os riscos para o persoal da inspección sanitaria o acceso as instalacións para a realización do informe realizarase previamente ao inicio da actividade de aloxamento dos pacientes.

No caso de residencias de maiores e similares xa existentes e en funcionamento, farase un seguimento documental por parte da autoridade sanitaria en función da avaliación do risco da instalación do programa de vixilancia sanitaria de lexiionella.

4.2. Acceso ás instalacións

A autorización para o acceso a estas instalacións de persoal de empresas externas para a realización de actividades de prevención e control da lexiionelose, de control de pragas ou calquera outra relacionada con estes ámbitos, deberá ser valorada individualmente pola autoridade sanitaria, tendo en conta a situación epidemiolóxica do centro, o histórico da valoración de risco, no seu caso, así como a posibilidade de pospoñer estas operacións dende o punto de vista técnico.

O persoal recibirá información adecuada dos riscos e da utilización do equipo de protección individual adecuado para o acceso ás mesmas, seguindo as indicacións ao respecto do servizo de prevención de riscos laborais. Ver Procedimiento de actuación para los servicios de prevención de riesgos laborales frente a la exposición al SARS-CoV-2.

Santiago de Compostela, 2 de abril do 2020